



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTRZ 0024307 23  
Sarajevo, 18.01.2024. godine

SUD BOSNE I HERCEGOVINE  
Sudiji za prethodno saslušanje

Na osnovu odredaba člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, podižem:

OPTUŽNICU

Protiv:

Nermina Porića, [REDACTED] rodenog [REDACTED] 1969. godine u Bosanskoj Krupi, [REDACTED]  
[REDACTED] državljanina Bosne i Hercegovine i R  
Slovenije, [REDACTED]

Što je:

U svojstvu komandira voda vojne policije 511. Slavne brdske brigade Armije BiH, za vrijeme rata u Bosni i Hercegovini i oružanog sukoba između Armije Republike Bosne i Hercegovine (u daljem tekstu ARBiH) i Vojske Republike Srpske (u daljem tekstu VRS), na području opštine Bosanska Krupa, prilikom napada ARBiH na položaje VRS u rejonu Kobiljnaka, Osmače i Čojluka, opština Bosanska Krupa u periodu od druge polovine maja 1995. godine pa do polovine jula 1995. godine, pripadnici ARBiH zarobili **najmanje dvadeset pet** pripadnika VRS na navedenim lokalitetima i to najmanje četiri u rejonu Kobiljanjaka, najmanje pet u rejonu Čojluka i najmanje šesnaest u rejonu Osmače od kojih najmanje šesnaest zarobljenih u rejonu Osmače dana 4.7.1995. godine ili približno tog dana su neposredno nakon zarobljavanja i onesposobljavanja za borbu upotrebom vatrenog oružja **lišili života četiri pripadnika VRS** i to **dva** ratna zarobljenika pripadnika VRS **lišio života** [REDACTED] a dva [REDACTED] sa dva NN pripadnika Armije BiH, dok su preostalih **najmanje dvadeset jednog** ratnog zarobljenika pripadnika VRS među kojima su bili: [REDACTED]

[REDACTED] koji su zarobljeni u rejonu Čojluka, nakon zarobljavanja odveli,

zatvorili i držali u vojnom pritvoru 511. Slavne brdske brigade ARBiH, gdje ih je obezbjeđivala vojna policija navedene brigade, a koji se nalazio u mjestu Pištaline, opština Bosanska Krupa, u podrumu privatne kuće [REDACTED], u kojoj kući je bila smještena i komanda voda vojne policije 511. Slavne brdske brigade ARBiH, gdje su ih mučili tukući ih drvenim kolčevima po svim djelovima tijela, odakle su ih u tri navrata u ljeto 1995. godine, pripadnici voda vojne policije 511. Slavne brdske brigade ARBiH u namjeri da ih liše života u grupama izvodili naprijed navedene ratne zarobljenike pripadnike VRS i iste lišili života na tri lokacije na području opštine Bosanska Krupa, i to na lokacijama Perna-Padež i Perna-VEK(vojna ekonomija) lišili života upotrebom vatrenog oružja, dok su ih ispred vojnog pritvora lišili života tukući ih drvenim kolčevima do smrti, a čija tijela su razmjenjena dana 05.12.1995. godine u mjestu Koprivna, opština Sanski Most, te na taj način postupili protivno pravilima međunarodnog humanitarnog prava kršeći odredbe člana 3. stav 1. tačka a) III Ženevske konvencije o postupanju sa ratnim zarobljenicima od 12.08.1949. godine i član 86. i 87. Dopunskog protokola I, tako što je:

1. Neutvrđenog dana u ljeto 1995. godine iz vojnog pritvora 511. Slavne brdske brigade ARBiH u mjestu Pištaline, opština Bosanska Krupa, u kojem su bili zatvoreni naprijed navedeni ratni zarobljenici pripadnici VRS, pripadnici voda vojne policije 511. Slavne brdske brigade ARBiH izveli su iz pritvora tri ratna zarobljenika pripadnika VRS koji su zarobljeni na području Kobiljnjaka, te ih odveli na područje lokaliteta Perne-Padeža, da bi dolaskom na navedeni lokalitet pripadnici voda vojne policije 511. Slavne brdske brigade ARBiH među kojima Nermin Porić, komandir voda vojne policije 511. Slavne brdske brigade, [REDACTED] pucajući u njih iz vatrenog oružja iste lišili života.

2. U ljeto 1995. godine Nermin Porić u svojstvu komandira voda vojne policije 511. Slavne brdske brigade ARBiH kao de facto i de jure nadređen pripadnicima voda vojne policije 511. Slavne brdske brigade ARBiH, nad kojim vojnim policajcima 511. Slavne brdske brigade ARBiH je imao ingerencije i efektivnu kontrolu, a koji su bili zaduženi za obezbjeđenje ratnih zarobljenika pripadnika VRS zatvorenih u vojnom pritvoru 511. Slavne brdske brigade u mjestu Pištaline, opština Bosanska Krupa, a koji su:

a. Neutvrđena tri dana u noćnim satima krajem jula ili početkom avgusta 1995. godine iz vojnog pritvora 511. Slavne brdske brigade ARBiH u mjestu Pištaline, opština Bosanska Krupa, u kojem su bili zatvoreni naprijed navedeni ratni zarobljenici pripadnici VRS, pripadnici voda vojne policije 511. Slavne brdske brigade ARBiH izveli ispred pritvora najmanje šest ratnih zarobljenika pripadnika VRS, nakon čega su pripadnici voda vojne policije 511. Slavne brdske brigade ARBiH među kojima [REDACTED] iste udarali drvenim kolčevima po svim djelovima tijela, te ih na taj način lišili života, a Nermin Porić iako je znao ili mogao znati da se njemu podređeni pripadnici voda vojne policije 511. Slavne brdske brigade ARBiH spremaju počiniti navedena ubistva zatvorenih ratnih zarobljenika pripadnika VRS, nije preduzeo nužne i razumne mjere da spriječi njemu podređene pripadnike vojne policije 511. Slavne brdske brigade ARBiH da izvrše ubistva naprijed navedenih ratnih zarobljenika pripadnika VRS, te iako je znao ili mogao znati da su njemu podređeni pripadnici vojne policije 511. Slavne brdske brigade ARBiH izvršili ubistva naprijed navedenih ratnih zarobljenika VRS, nije preduzeo nužne i razumne mjere da njemu podređeni pripadnici vojne policije 511. Slavne brdske brigade ARBiH koji su učestvovali u ubistvu navedenih ratnih zarobljenika budu kažnjeni, odnosno nije pokrenuo postupak ispitivanja odgovornosti i kažnjavanja njemu podređenih pripadnika vojne policije koji su učestvovali u ubistvu navedenih ratnih zarobljenika;

b. Neutvrđenog dana u jutarnjim satima u ljeto 1995. godine iz vojnog pritvora 511. Slavne brdske brigade ARBiH u mjestu Pištaline, opština Bosanska Krupa, u kojem su bili zatvoreni naprijed navedeni ratni zarobljenici pripadnici VRS, pripadnici voda vojne policije 511. Slavne brdske brigade ARBiH izveli su iz pritvora oko jedanaest ratnih zarobljenika pripadnika VRS, te ih odveli na livadu na području lokaliteta Perne-VEK (vojna ekonomija), da bi dolaskom na navedeni lokalitet iste postrojili, a zatim pripadnici voda vojne policije 511. Slavne brdske brigade ARBiH među kojima su bili

[REDACTED] pucajući u njih iz vatrenog oružja iste lišili života, a Nermin Porić iako je znao ili mogao znati da se njemu podređeni pripadnici voda vojne policije 511. Slavne brdske brigade ARBiH spremaju počinuti navedena ubistva zatvorenih ratnih zarobljenika pripadnika VRS, nije preduzeo nužne i razumne mjere da spriječi njemu podređene pripadnike vojne policije 511. Slavne brdske brigade ARBiH da izvrše ubistva naprijed navedenih ratnih zarobljenika pripadnika VRS, te iako je znao ili mogao znati da su njemu podređeni pripadnici vojne policije 511. Slavne brdske brigade ARBiH izvršili ubistva naprijed navedenih ratnih zarobljenika VRS, nije preduzeo nužne i razumne mjere da njemu podređeni pripadnici vojne policije 511. Slavne brdske brigade ARBiH koji su učestvovali u ubistvu navedenih ratnih zarobljenika budu kažnjeni, odnosno nije pokrenuo postupak ispitivanja odgovornosti i kažnjavanja njemu podređenih pripadnika vojne policije koji su učestvovali u ubistvu navedenih ratnih zarobljenika.

**čime bi:**

radnjama opisanim u tački 1. počinio krivično djelo Ratni zločin protiv ratnih zarobljenika iz člana 175. stav 1. tačka a), u vezi sa članom 180. stav 1. Krivičnog zakona Bosne i Hercegovine, a sve u vezi sa članom 29. KZ BiH, radnjama opisanim u tačkama 2a. i 2b. počinio krivično djelo Ratni zločin protiv ratnih zarobljenika iz člana 175. stav 1. tačka a), u vezi sa članom 180. stav 2. Krivičnog zakona Bosne i Hercegovine.

**TUŽILAC**  
**Tužilaštva Bosne i Hercegovine**